

Отамираев Олимжон Усубович
капта ўқитувчи
Зокирова Дииноза Нематиллаевна
ассистент
Вахобова Сожида Комилжоновна
ассистент
Наманган мұхандислик-педагогика институты
(Ўзбекистон Республикаси, Наманган шаҳри)

ТАЛАБАЛАР МУСТАҚИЛ ИШИНИ ТҮҒРИ ТАШКИЛ ЭТИШ ВА БАҲОЛАШ ОРҚАЛИ ТАЪЛИМ САМАРАДОРЛИГИНИ ОШИРИШ

Аннотация. Мақолада талабалар мустақил ишини түғри ташкил этиш ва баҳолаш бўйича тавсиялар ҳамда умумий электротехника фанига доир турли мураккабликдаги мустақил иш топширикларини тузиш бўйича таклифлар келтирилган.

Таянч сўзлар: Талабанинг мустақил иши, мустақил иш топшириклари, таълим самарарадорлиги, маъруза, амалий машғулот, тажриба, ўзлаштириш кўрсаткичи, билим, кўникма, малака.

Аннотация. В статье приведены рекомендации по правильной организации и оценки самостоятельной работы студентов и дано конкретные предложения по составлению самостоятельной работы в разных сложностях по предмету электротехника.

Ключевые слова: Самостоятельная работа студента, задание по самостоятельной работе, эффективность обучения, лекция, практическое занятие, лаборатория, показатель успеваемости, знание, умения, навыки.

Дунёнинг қаерида бўлманг, барча жойда муайян йўналиш бўйича мустақил изланиш ва ўрганиш учун доимо эҳтиёж мавжуд эканлигига амин бўласиз. Айниқса, техника фанлари борасида мустақил ўрганишинт аҳамияти кун сайин ортиб бормокда. Жаҳоннинг ривожланган мамлакатларида мустақил ўрганиш кенг тарғиб қилинади ва билим олишнинг бундай усули иш жараёни ва касбий маҳоратнинг мунтазам равишда такомиллашувига олиб келади. Умуман олганда мустақил ўрганишинт аҳамияти жуда катта бўлиб, у иқтисодий равнақ топишнинг асосий омилларидан бири ҳисобланади ва мамлакатнинг жаҳон бозорида янада рақобатбардош бўлишига хизмат қиласи.

Талабаларнинг ижодий қобилиятларини ривожлантиришда фан ёки мавзунинг мазмуни биринчи ўринда туради. Шунингдек, ўқув материалининг тузилиши ва уни баён этиш услуги ҳам катта аҳамиятга эга. Биз талабаларни фақатгина янги маълумотлар билан таништирмоқчи бўлсак, тайёр назарий хуносаларни беришнинг ўзи кифоя қиласи [1]. Уларни фақатгина ҳабардор қилиш эмас, балки ўқитиш жараёнида талабалар ижодий қобилиятларини ривожлантириш масаласи қўйиладиган бўлса, у ҳолда ўрганилаётган жараёнлар қандай омиллар асосида юзага келганини ҳамда назариянинг тўғрилигини қандай кузатишлар

ва тажрибалар ёрдамида тасдиқланганлигини уларга тушунтириш керак бўлади.

Маълумки, ҳозирги замон талабларига жавоб берадиган мутахассис кадрлар тайёрлаш олий таълим муассасалари олдида турган долзарб масалалардан ҳисобланади. Ёшларга таълим ва тарбия беришнинг мураккаб вазифаларини ҳал этиш ўқитувчиларнинг ғоявий эътиқодига, касб маҳоратига, истеъоди ва маданиятига, ҳозирги замон педагогик ва ахборот технологияларни қўллаши, талабаларни ўзаро фаолликка олиб келишига боғлиқдир.

Талабанинг ўзлаштиришида мустақил ўқув фаолияти асосий роль ўйнайди. Талаба ўзининг мустақил ўқув фаолиятида маъруза ва амалий (лаборатория) машғулотларидан олган билимларини мустаҳкамлайди, кенгайтиради, чуқурлаштиради, тушунчалар ёки уларнинг хоссаларини умумлаштиради ёки хусусийлаштиради, олинган билимларини амалиётга – маъсала ёки муаммоларни ечишда қўллади, қўйилган муаммони ҳал қилиш йўлларини мустақил излайди ва ечиш усулларидан энг мақбулини, самаралисини танлайди, келгуси маъруза, амалий ва лаборатория машғулотларига тайёргарлик кўради [2].

Мустақил фаолиятнинг асоси-ўқитувчи томонидан шакллантирилиши, талабани мустақил фаолият

олиб боришига етакловчи, ундовчи зарур шарт-шароит ва имкониятлар яратилиши, талабанинг бу фаолиятида фаол иштрокини таъминлаш керак бўлади.

Умуман, талабаларнинг мустақил ўқув фаолияти қайси дарс туридаги ўқув материалини ўзлаштиришига қаратилган бўлишидан қатъий назар, у учун мустақил иш топшириқлари (ва ишланмалар) тавсия этилади. Бундай топшириқлар шундай тузилиши керакки, у талабани фаолият турларини тўлақонли ва сифатли амалга оширишлари учун асос бўлиб хизмат қилсин.

Мустақил ишлар дидактик мақсади, вазифаси, мураккаблик даражаси ва кимга мўлжалланганлиги га қараб бир-биридан фарқ қиласди. Танланган мавзуларнинг илмийлиги, тизимлилиги, ўқув материалларининг қизиқарлилиги, амалиёт билан боғлиқлиги, фанлараро алоқадорлиги, шунингдек, бериладиган мустақил ишлар ва топшириқларнинг ижодий характерга эгалиги жуда муҳимdir [2].

Мустақил ишлар ва топшириқларни тузишда аудиториянинг ҳолатини, яъни талабаларнинг қайси таълим йўналишида таҳсил олаётганликларини, улардаги мавжуд билимлар мажмуасини ҳамда талабаларнинг ўртacha ўзлаштириш кўрсаткичларини хисобга олиш зарур.

Талабалардаги мавжуд билимлар мажмуи мустақил ўқув фаолияти учун тузилган топшириқларни бажаришга етарли бўлиши керак, яъни ўқитувчи дарс турларида топшириқларни бажариш учун зарур бўлган маълумотлар манбалари билан талабаларни таъминлаган бўлиши керак. Мустақил иш ва топшириқлар куйидаги талабларга жавоб бериши керак:

- мавзунинг мақсад ва вазифалари бўйича маърузада берилган барча маълумотлар (тушунчалар ва ғоялар)ни ўз ичига тўла қамраб олиши ва ундаги услубларни қўллашни тақазо этиши;
- мавзунинг назарий ва амалий қисми бўйича таянч тушунчалар ҳамда асосий ғояни очиб бериш учун хизмат қилувчи хоссалар ва усулларни қўллашга бағишлиланган бўлиши;
- мавзудаги тушунча, ғоя услуг ва натижаларни аввал ўрганилган мавзулардаги (аввалги таълим тизимларидаги) тушунча, ғоя, услуг ва натижалар билан боғланишини таъминлаши;
- топшириқлар савияси жиҳатидан ҳар хил имкониятили талабалар учун етарли миқдорда бўлиши.

Таълимнинг максади-гурухда талабаларнинг 100% ўзлаштиришларига эришиш. Фаннинг айрим бўлимлари ёки мавзулари бўйича ўтказилган назорат турларининг умумий натижасига кўра йиғиши мумкин бўлган максимал баллнинг 56%–100% қисмини тўплаган талабалар фаннинг шу бўлим ёки мавзулари бўйича ўзлаштирган хисобланадилар [2].

Мустақил ишлар ва топшириқларни тузишда талабаларнинг ана шу турли хил имкониятларига эга эканликларини ҳисобга олиш талабаларнинг мустақил фаолиятида самарали шакллантиришда муҳим омил бўлиб хизмат қиласди. Шунинг учун мавзулар бўйича топшириқлар бир неча мураккабликда тузилиши мақсадга мувофиқ бўлади. Қўйида умумий электротехника фанидан уч хил мураккабликда мустақил иш топшириқларини тузиш бўйича тавсиялар келтирилган:

1-тур топшириқлари дарсларда берилган таъриф ва хоссалардан бевосита фойдаланган ҳолда бажариладиган бўлиши лозим. Бундай топшириқлар энг содда, элементар топшириқларни намуналар асосида бажаришни тақазо қиласди. Масалан: Соддароқ электр занжири номаълум катталикларини амалий машғулотлар вақтида ўрганган усуллар ёрдамида аниқлаш.

2-тур топшириқлари маълум бир мавзуни ёритишида керак бўлган ғоялар ва усуллардан фойдалана билишига асосланган бўлиши керак. Бундай топшириқлар масала ёки муаммони ечишда улардан амалий фойдаланишни талаб қиласди. Масалан: Мураккаброк электр занжири ихтиёрий усулда хисоблаш. Бундай занжириларни хисоблашда амалий ва маъруза машғулотларида олинган билимларга таянган ҳолда олиб бориш тавсия этилади.

3-тур топшириқларни бажаришда талаба масалани ҳал қилиш ўйларини мустақил излайди. Бундай масалаларни ҳал қилишда талаба қўшимча адабиётлардан ва интернет тармоқларидан фойдаланади. Масалан: Нисбатан мураккаб бўлган электр занжири ихтиёрий усулда хисоблаш. Бундай занжириларни хисоблашда амалий ва маъруза машғулотларида олинган билимлар камлик қилгани сабабли, талабаларга қўшимча адабиётлардан ва интернет тармоғидан фойдаланиш тавсия этилади.

Мустақил ўқув фаолиятида талаба бутунлай эркин бўлиши лозим. У ўзининг қизиқишидан, имкониятларидан, ҳохишидан келиб чиқиб мустақил ишларни бажариш вақтини, шаклини, усулини воситаларини ва топшириқларнинг турларини ўзи танлайди. Масалан, 1-тур топшириқларни гурухдаги барча талабалар бажара олиши керак. 3-тур топшириқларни эса ҳамма бажариши шарт эмас, бу босқич топшириқларни бажара оладиган талабалар гурухдаги энг қобилиятли, билимли талабалар бўлади [3].

Бундай топшириқлар ўргатувчи-баҳоловчи топшириқлар бўлади ва уларнинг бажарилиши ҳар бир талабанинг мавзу материаллари бўйича ўзлаштириш даражасини ўзи ҳамда ўқитувчи томонидан баҳолаш имкониятини беради:

Факат 1-тур топшириқларнинг бажарган талаба «қониқарли» баҳоға лойиқ 55–70 балл оладилар. 1 ва 2-тур топшириқларнинг бажарган талабалар

«яхши» баҳоға лойиқ 71–85 балл оладилар. Ҳар учта босқич топшириқларни тўла бажарган талабалар «аъло» баҳоға лойиқ 86–100 балл оладилар.

Юқоридаги барча тур топшириқларидан ташқари, 3-тур топшириқларини бажара оладиган талабалар нафакат «аъло» баҳоға лойиқ бўладилар, балки улар гурухнинг иқтидорли талабалари ҳисобланиб, ўқитувчи келгусида бу талабаларнинг қобилиятини, иқтидорини бир мақсадга йўналтириб, билимларини такомиллаштириш, чуқурлаштириш чора-тадбирларини ишлаб чиқиши керак [3].

Бундан ташқари, ҳар хил мураккабликдаги топшириқлар ўргатувчи бўлгани боис ҳар бир топшириқлар мураккаблик даражаси бўйича қатъий тартибланган, яъни соддадан мураккаблик даражаси бўйича қатъий тартибланган, яъни соддадан мураккабга томон тузилган бўлиши лозим. Бундай топшириқларни тузиш ўқитувчидан кўпроқ вақт, қунт, сабр-тоқат, ҳафсала,

етарлича билим, тажриба, малака, бир сўз билан айтганда юксак педагогик маҳорат талаб қиласи.

Агар билим мустақил англаңган, ҳис этилган, қийинчиликларга дуч келиб ўрганилган бўлса, унда бу билим тўла ва чуқур ўзлаштирилган бўлади. Буларнинг бари ўрганилаётган фанга маъсулиятли, ўқув фаолиятига кўникма, иш фаолиятини режалаштиришда вақтдан унумли фойдаланишга, ўз-ўзини назорат қилишга, хатоларни тузатишга ва ҳоказоларга ҳам боғлиқ бўлади. Талаба томонидан доимий ақлий фаолият билан шуғулланиш-ақлий фаолиятга эҳтиёжни ривожлантиради ва талабаларни вақтни тежаб-саралаб ишлатишга ўргатади. Бу билан бўлажак мутахассисларнинг мустақил ўқув фаолиятларини ривожлантириш, ўқув ва илмий ишларнинг муштараклигини таъминлаш, талабаларни илмий-тадқиқот ишларига жалб қилиш, шулар асосида етук мутахассис тайёрлаш сифатини оширишга эришиш мумкин бўлади [4].

Фойдаланилган адабиётлар рўйхати

1. Ганс-Дитер Хопфнер. Ўрта маҳсус, қасб-хунар таълими тизимида мустақил ўрганишнинг аҳамияти. КХК лари учун ўқув қўлланма. Ўзбекистон-Швецария «Қасбий қўнималарни ривожлантириш» лойиҳаси. — Тошкент, 2009 йил.
2. Нажмиддинова Ҳ. Талабаларнинг мустақил ўқув фаолиятида ўзлаштириш самарадорлигига эришиш. Таълим муаммолари. 2009 йил, 2-сон.
3. Отамирзаев О. У., Зокирова Д. Н., Вахобова С. К. Методические рекомендации по организации самостоятельной работы студентов. // International Scientific Journal. — 2016. — № 4.
4. Отамирзаев О. У., Зокирова Д. Н., Вахобова С. К. Использование интерактивных методов при преподавании электротехники. // Science Time. — 2016. — № 2 (26).